



Page: 7

Reach: 0

Country: BOSNIA AND HERZEGOVINA

Size: 76 cm2

1 / 1

HAPŠENJA U BIH, HRVATSKOJ I SRBUJ

Falsifikovali od pasoša do policijskih znački

D. SLADOJEVIĆ

ORASJE - Zbog sumnje da su falsifikovali razne dokumente, ali i policijske značke i isprave, u BiH i u Hrvatskoj uhapšeno je više osoba, u akciji "Art", koju su naši i hrvatski policajci na dogovoreni znak počeli juče tačno u šest časova, a potom je jedno lice privedeno i u Srbiji.

Kod nas, u Posavini, "pala" su tri osumnjičena, u Hrvatskoj ih je osam bilo na meti, ali nije poznato koliko je privedeno, a potom je cijela aktivnost proširena i na Srbiju, gdje je uhapšeno jedno lice.

Ovu akciju u Hrvatskoj je sprovodio USKOK, a kod nas Državna agencija za istrage i zaštitu (SIPA), koja je, prema nezvaničnim informacijama, uhapsila Jasminka Petrovića, Miroslava Markovića i Zeljka Josipovića.

"Osumnjičenima se na teret stavlja da su od 2013. do ove godine, na području BiH i Hrvatske, izrađivali i prodavali krivotvorene isprave, i to pasoše, lične karte, vozačke dozvole, kao i policijske značke i službene legitimacije policijskih agencija, obavještajnih

službi i vojno-sigurnosnih službi BiH, Hrvatske i drugih država regiona. Također su izrađivali i prodavali razne diplome, uvjerenja, svjedočanstva i druge isprave", saopštila je Kristina Jozić, portparol SIPA.

Prema njenim riječima, kada je riječ o BiH, tokom ove međunarodne akcije izvršeni su pretresi objekata na šest lokacija na području Orašja i Šamca, a pretrese ni su i objekti na više lokacija i u Hrvatskoj, kao i u Srbiji.

Istakla je da je akcija sprovedena po naredbama Suda BiH i Tužilaštva BiH, a iz Tužilaštva navode da se radi o složenoj i višemjesečnoj istrazi.

"Aktivnosti su dogovorene između Tužilaštva BiH i USKOK-a na najvišem nivou, nakon čega je počela istraga u pravcu otkrivanja i razbijanja ove organizovane grupe", uvjeravaju iz Tužilaštva BiH.

